

ACTA DA SESIÓN EXTRAORDINARIA E URGENTE CELEBRADA POLA COMISIÓN INFORMATIVA PERMANENTE DE URBANISMO, VIVENDA, INFRAESTRUTURAS, PARQUES E XARDÍNS TRANSPORTE, MOBILIDADE E MEDIO AMBIENTE O DÍA 24 DE XULLO DE 2015 ÁS 13:30 HORAS.

Sendo as trece horas e trinta minutos (13:30) do día 24 de xullo de 2015, reúnese en sesión extraordinaria e urgente convocada ao efecto a Comisión Informativa Permanente de urbanismo, vivenda, infraestruturas, parques e xardíns transporte, mobilidade e medio ambiente, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal Popular	M ^a Oliva Agra Costoya
Grupo municipal Socialista	José Blas García Piñeiro
Grupo municipal IC- Ames Novo	M ^a Pilar Candocia Pita
Grupo municipal Contigo Pódese	Catuxa García Mallo
Grupo municipal Pacto X Ames	Ramón García Argibay
Grupo municipal BNG-Asembleas Abertas	David Santomil Mosquera
Grupo municipal Ciudadanos - Partido da Cidadanía	Fco. Javier López Suárez

Presidente: José Blas García Piñeiro

Secretaria : Rosa Ana Prada Queipo.

ORDE DO DÍA:

Punto Primeiro.- Ratificación da urxencia da convocatoria.

A urxencia da convocatoria é ratificada por **maioría absoluta**, ca abstención de M^a Oliva Agra Costoya e co voto a favor do resto dos asistentes á comisión informativa.

Punto Segundo.- Moción presentada polo grupo municipal Iniciativa Cidadá Ames Novo o 17 de xullo de 2015 (R.E. núm. 8409) sobre o sector lácteo.

A concelleira **Catuxa García Mallo** solicita que se introduzan os seguintes puntos na moción presentada.

Na exposición de motivos no segundo paragrafo engadir: *Precísanse medidas urxentes e implicación por parte das administracións públicas para solventar a situación de crise que está a vivir este sector e establecer prezos xustos que permitan aos nosos gandeiros e gandeiras desenvolver a súa actividade.*

No segundo paragrafo introducir o seguinte texto: *Concelleiros/as da corporación de Ames acudiron á manifestación do 17 de Xullo de 2015 convocada pola Plataforma pola Defensa do Sector Lácteo, apoiando a miles de gandeiros/as galegos/as na súa loita pola defensa do Sector Lácteo terriblemente castigado pola baixada de prezos, que moitas veces chegan a estar por debaixo dos custes de produción.*

E por último, solicítase tamén engadir un quinto punto, co seguinte texto: *O concello de Ames velará para que nos establecementos comerciais con sede no concello de Ames a venda do leite fágase respectando a marxe dos prezos que nunca deberá estar por debaixo dos custes de produción. Poñendo en coñecemento da Administración aqueles casos nos que non se cumprise.*

A concelleira **M^a Pilar Candocia Pita** acepta o engadido proposto pola concelleira Catuxa García Mallo.

Tras un breve intercambio de impresións a moción co engadido indicado resulta ditaminada favorablemente por **maioría simple**, ca abstención de Ramón García Argibay e M^a Oliva Agra

Costoya e co voto a favor do resto dos asistentes á comisión informativa.

Punto Terceiro.- Moción presentada polo grupo municipal Iniciativa Cidadá Ames Novo o 20 de xullo de 2015 (R.E. núm. 8439) sobre cambio na forma de xestión do servizo público local do Ciclo integral da auga.

Tras un breve intercambio de impresións a moción resulta ditaminada favorablemente por **maioría simple**, co voto a favor de M^a Pilar Candocia Pita e ca abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e corenta minutos do día de referencia de todo o que eu como secretaria certifico.

Vº e praxe

O presidente

A secretaria

José Blas García Piñeiro

Rosa Ana Prada Queipo